

常足軒居恰一年身心自覺稍安然教門使我知難免不避迢  
遙赴醮筵

又

嶺北風寒自古傳三冬遠涉鴈門川道人慈惠堪爲寶度死哀  
生作善緣

又

暫別燕城處順堂代師行化歷他方本非留意攀緣動醮主誠  
心不可忘

題墨竹

墨君寫就四時春葉葉枝枝迴絕塵奪得化工權在手一番拈

道藏輯要

葆光集

三

胃集十

出一番新

常足軒中自述

常足軒中山海全更兼風月伴流年人求見者無他語盡喚長  
春小洞天

又

小軒山海盡方全常足爲名佚老年好向此間閑自在更於何  
處覓壺天

過晉安府南新莊贈杜道人

六歲出家九十一一真明透四三七今朝幸遇宿緣深法法俱  
忘事事畢